



საქართველოს სტრატეგიის და განვითარების ცენტრი (GCSD)

საგრანტო კონკურსი

(განაცხადების მოთხოვნის ფორმა #21-001)

განაცხადის მიღების ბოლო ვადა: 2021 წლის 7 მაისი, 18:00 საათი.



## 1. ინფორმაცია საქართველოს სტრატეგიის და განვითარების ცენტრის შესახებ

საქართველოს სტრატეგიის და განვითარების ცენტრი (GCSD) არასამეწარმეო, არასამთავრობო ორგანიზაციაა. GCSD-ის ძირითად მიზნებია: საქართველოს ეროვნული უსაფრთხოების უზრუნველყოფის ხელშეწყობა; ქვეყნის ეფექტიანი და დემოკრატიული მართვის პრინციპების განმტკიცება და მდგრადი განვითარების პირობების შექმნა.

ორგანიზაციის მიზნებიდან გამომდინარე, მისი საქმიანობა მოიცავს: კვლევას, მონიტორინგს, ადვოკატირებასა და სხვადასხვა საგანმანათლებლო პროექტების განხორციელებას. GCSD-ის ღირებულებები ეფუძნება: თანასწორობის, ადამიანის თავისუფლების, პატივისცემის, ანგარიშვალდებულების და გამჭვირვალობის პრინციპებს.

## 2. ინფორმაცია პროგრამის შესახებ

საქართველოს სტრატეგიის და განვითარების ცენტრი (GCSD), ნორვეგიის საგარეო საქმეთა სამინისტროს ფინანსური მხარდაჭერით, 2020 წლის მარტიდან, ახორციელებს ოთხწლიან პროგრამას - “მაღაღობრივი ექსტრემიზმისა და რადიკალიზაციის პრევენციის მიმართულებით საქართველოს შესაძლებლობების გაძლიერება”.

პროგრამის მიზანია, საქართველოში ყველა ფორმის ექსტრემიზმისა და რადიკალიზაციის პრევენციის ხელშეწყობა, ასევე, საზოგადოების მედეგობის ამაღლება და სახელმწიფოს შესაძლებლობების გაძლიერება. ამისათვის, პროგრამის ფარგლებში, აქტიური და კომპლექსური ღონისძიებები განხორციელდება შესაბამისი სახელმწიფო უწყებების, აკადემიური წრეების, მედიის, სამოქალაქო საზოგადოების ორგანიზაციების, ადგილობრივი თემებისა და სხვა ჩართული მხარეების მონაწილეობით.

პროგრამა ორიენტირებულია, რომ საუკეთესო საერთაშორისო პრაქტიკაზე დაყრდნობითა და ფართო სამოქალაქო ჩართულობით უზრუნველყოს მდგრადი და გრძელვადიანი შედეგების მიღწევა.



### 3. საგრანტო კონკურსის პირობები

წინამდებარე საგრანტო კონკურსის ზოგადი მიზანია, საქართველოში ყველა ფორმის ძალადობრივ ექსტრემიზმთან და რადიკალიზაციასთან გამკლავება. საპროექტო განაცხადი უნდა ეხმიანებოდეს პროგრამის მიზნებს და შესაძლოა პასუხობდეს ქვემოთ ჩამოთვლილ ერთ ან რამდენიმე საკითხს:

- ექსტრემისტული ჯგუფების მიერ გავრცელებულ ნარატივებთან გამკლავებისკენ მიმართული აქტივობების მხარდაჭერა;
- ულტრამემარჯვენე, ნეონაციისტურ და სხვა რადიკალურ ჯგუფებთან გამკლავებისთვის ქმედითი ნაბიჯების გადადგმა;
- ეთნიკური და რელიგიური უმცირესობების შესაძლებლობების გაძლიერება და მათი თვითმყოფადობისა და უფლებების ეფექტურად დაცვა;
- მულტიკულტურალიზმის, მრავალფეროვნებისა და განსხვავებულ ჯგუფებს შორის დიალოგის მხარდაჭერა;
- ადგილობრივ დონეზე დემოკრატიული ჩართულობისა და გადაწყვეტილების მიღების პროცესში მონაწილეობის მხარდაჭერა;
- სამოქალაქო განათლებისა და სამოქალაქო აქტივიზმის გაძლიერების ხელშეწყობა;
- სამოქალაქო საზოგადოების ორგანიზაციების, მედიის და სხვა რელევანტური ჯგუფების შესაძლებლობების გაძლიერება რადიკალიზაციისა და ძალადობრივ ექსტრემიზმთან ეფექტიანად გამკლავების საკითხებთან მიმართებაში;
- ახალგაზრდების კრიტიკული აზროვნებისა და არაფორმალური განათლების მხარდაჭერა;
- სხვა მომიჯნავე საკითხები, რომლებიც ეხმიანება ზემოთ აღნიშნულ ჩამონათვალს და პროგრამის მთავარ მიზანს.

კოვიდ-19-ის პანდემიით გამოწვეული რისკებიდან გამომდინარე, საგრანტო განაცხადში მაქსიმალურად უნდა იყოს გათვალისწინებული სახელმწიფოს მიერ შემუშავებული რეკომენდაციების დაცვა და აუცილებლობის გარდა უნდა შეიზღუდოს პირთა შეკრება. ასევე, პროექტით განსაზღვრული აქტივობები, პროექტის მიზნების ეფექტიანად მიღწევისათვის, უნდა ითვალისწინებდეს პანდემიით შექმნილ გამოწვევებს და მოიცავდეს შესაბამისად ადაპტირებულ ღონისძიებებს.



**გრანტის ფარგლებში დაშვებული ღონისძიებებია:** კულტურული დიალოგის მხარდაჭერა, სადისკუსიო პლატფორმების შექმნა, ინოვაციური ონლაინ საგანმანათლებლო რესურსების შექმნა, კვლევის ჩატარება, კონსულტაციების გამართვა, ცნობიერების ამაღლების კამპანიები, შესაძლებლობების გაძლიერებისა და საგანმანათლებლო აქტივობები, ადვოკატირების ღონისძიებები და სხვა.

**გრანტის ფარგლებში არ დაფინანსდება შემდეგი ღონისძიებები:**

- პოლიტიკური პარტიის ან კანდიდატის მხარდაჭერი საქმიანობა;
- ინფრასტრუქტურული ხარჯები;
- ჰუმანიტარული აქტივობები;
- სხვადასხვა და გაუთვალისწინებელი ხარჯები;
- წარმომადგენლობითი ხარჯი, როგორცაა მაგ: ალკოჰოლის შეძენა და სხვა;
- მუნიციპალური სერვისების მიწოდება (სოციალური სერვისები, ჯანდაცვის სერვისები და სხვა).

**საგრანტო კონკურსში მონაწილეობის პირობები** - კონკურსში მონაწილეობა შეუძლიათ საქართველოს რეგიონებში რეგისტრირებულ არასამეწარმეო (არაკომერციულ) იურიდიულ პირებს, რომლებსაც აქვთ მინიმუმ ერთწლიანი ოპერირების გამოცდილება. ასევე, არასამეწარმეო (არაკომერციულ) მედიაორგანიზაციებს, ხოლო თბილისში რეგისტრირებულ არასამეწარმეო (არაკომერციულ) იურიდიულ პირებს კონკურსში მონაწილეობის მიღება შეუძლიათ რეგიონულ ორგანიზაციებთან თანამშრომლობითა და ერთობლივი საპროექტო განაცხადების წარდგენით.

კონკურსის ფარგლებში გაიცემა 1 ქვეგრანტი. GCSD-ის მიერ გაცემული ერთი ქვეგრანტის მაქსიმალური თანხა შეადგენს 100 000 ლარს (დაფინანსების სხვა წყაროს გარეშე). პროექტის ხანგრძლივობა შეიძლება იყოს 6-დან 12 თვემდე. ერთ ორგანიზაციას შეუძლია მხოლოდ ერთი განაცხადის წარდგენა. საგრანტო განაცხადების განხილვის ვადა შეადგენს 2 თვეს.



#### 4. კონკურსში მონაწილეობისთვის წარსადგენი დოკუმენტები

- განაცხადის ფორმა ქართულ ენაზე (ფონტი: 12 Times New Roman);
- პროექტის ბიუჯეტი და მისი დასაბუთება (ფონტი: 12 Times New Roman);
- პროექტში მონაწილე პირთა პროფესიული რეზიუმეები ქართულ ენაზე (არაუმეტეს ორი გვერდისა);
- ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- აუდიტორის მიერ შემოწმებული აპლიკანტის ბოლო ფინანსური ანგარიშგების ასლი (ასეთის არსებობის შემთხვევაში);
- ორი რეკომენდატორის შესახებ ინფორმაცია;
- ინფორმაცია დამატებით საფინანსო წყაროებსა და თანამონაწილეობაზე, დონორთა თანხმობის წერილები (ასეთის არსებობის შემთხვევაში).
- შემოსავლების სამსახურის მიერ გაცემული (დაუმოწმებელი) შედარების აქტი ბოლო მდგომარეობით;

მოთხოვნილი დოკუმენტები და საგრანტო განაცხადთან დაკავშირებული კითხვები გამოგზავნეთ შემდეგი ელ. ფოსტის მისამართზე: [gcsd@gcsd.org.ge](mailto:gcsd@gcsd.org.ge) სათაურის ველში მიუთითეთ - განაცხადების მოთხოვნის ფორმა # 21-001.

საგრანტო კონკურსის შესახებ დეტალური ინფორმაციის მისაღებად GCSD-ი გამართავს საკონსულტაციო შეხვედრას: სამშაბათს, 20 აპრილს, 13:00 საათზე, Zoom-ის ონლაინ პლატფორმის საშუალებით. რეგისტრაციისთვის, გთხოვთ მოგვწეროთ ზემოთ მითითებულ ელ. ფოსტაზე. საგრანტო განაცხადთან დაკავშირებული კითხვების გამოგზავნის ბოლო ვადაა 30 აპრილი.

#### 5. ინფორმაცია გრანტის გაცემისა და ადმინისტრირების შესახებ

ქვეგრანტის ბიუჯეტი წარმოდგენილი უნდა იყოს ეროვნულ ვალუტაში - ლარში. ქვეგრანტის მიერ დაფინანსებული ყველა ხარჯი უნდა იყოს ნებადართული, საქმიანობასთან დაკავშირებული და დასაბუთებული.

წინამდებარე განაცხადის მოთხოვნის ფორმის გამოქვეყნება და განაცხადის შემუშავებაში დახმარების გაწევა არ წარმოადგენს GCSD-ის მხრიდან გრანტის მიღებას ან რაიმე დაპირებას, ან ვალდებულებას დაფაროს განაცხადის მომზადებასა და ჩაბარებისას გაწეული ხარჯები. GCSD იტოვებს უფლებას, მოიწონოს ან უარი თქვას ნებისმიერ შემოტანილ განაცხადზე. ასევე, მოითხოვოს განაცხადის შემომტანისგან



განმარტებები და დამატებითი დოკუმენტები. შერჩევის პროცესის დასრულების შემდეგ, აპლიკანტებს წერილობით ეცნობებათ მათ მიერ შემოტანილ განაცხადთან დაკავშირებული განაწყვეტილება.

## 6. საპროექტო განაცხადის შეფასება

საგრანტო კონკურსის ფარგლებში წარდგენილი საპროექტო განაცხადების შეფასება მოხდება სპეციალურად შექმნილი კომისიის მიერ. არასრული ან დაგვიანებით მიღებული საპროექტო განაცხადები არ განიხილება.

შეფასების კრიტერიუმები	პროცენტული წილი (100%)
ტექნიკური მოთხოვნები	10%
მიზნების შესაბამისობა	20%
აქტივობებისა და მეთოდოლოგიის შესაბამისობა	25%
ორგანიზაციის გამოცდილება და გუნდის კვალიფიკაცია	15%
მდგრადობა	10%
ბიუჯეტის ხარჯთ-ეფექტურობა	15%
სხვა (პროექტი ეკომეგობრულია, გათვალისწინებულია გენდერული საკითხები, ინოვაციურია, ეყრდნობა საუკეთესო პრაქტიკას).	5%